

मार्निंग डोगरी न्यूज़ बुलेटिन, समें. 09-20 Hrs

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में जगमोहन शर्मा।

Headlines

1. गृह मंत्रालय नै भारत ते पाकिस्तान बश्कार बधी दी तनोतनी दे चलदे कल बक्ख-बक्ख राज्यें ते केन्द्र शासत प्रदेशें च मार्क ड्रिल आला भ्यास कराने दा निर्देश दित्ता ऐ।
2. पाकिस्तानी बलें जम्मू कश्मीर दे 8एं सेक्टरें च नियंत्रण रेखा पर गोलीबारी कीती, भारत नै बी पूरी तगड़ेयाई कन्नै शैल बनकाइयै परता दित्ता।
3. उपराज्यपाल मनोज सिन्हा होरें श्रीनगर दे पंथा चौक च श्री अमरनाथ जी श्राइन बोर्ड दे दफ्तर ते यात्री निवास दे जारी निर्माण कम्में दा मुआयना कीता।
4. जम्मू कश्मीर असेंबली दे स्पीकर होरें कल श्रीनगर च विधानसभा परिसर दा दौरा लाइयै उत्थें बक्ख-बक्ख दफ्तरें दे कम्में काजें दी समीक्षा कीती।
5. जम्मू कश्मीर दे नगरोटा ते बडगाम असेंबली हल्के च मतदाता सूचिएं दी नमें सिरिया नजरसानी दा कम्म पूरा करी लैता गेआ ऐ।

<><><><><><>

हून खबरें दी तफसील कन्नै शगुफ्ता चौधरी।

<><><><><><>

MHA Mock Drills

गृह मंत्रालय नै राज्यें केन्द्र शासत प्रदेशें गी सुरक्षा तैआरिएं दा मूलांकन करने लेई कल “मार्क ड्रिल” कराने लेई आखेआ ऐ। मंत्रालय नै राज्यें गी आखेआ ऐ जे कुसै ब्हाई हमले जां खतरे दी सूरतै च बजाने जाने आले साइरन जिसी घुग्गू बी आखेआ जंदा ऐ, गी चलाने दी स्थिति च रखने ते आम नागरिकें गी बी भ्यास कराइयै तैआर रखने जे हमले दी सूरतै च अपने आप गी बचाने लेई केई किश ते कियां करना ऐ। देसै दे 244 चुने गेदे जिलें च ग्रां सतह पर एह भ्यास कराया जाग। इस सिलसिले च राज्यें दे मुख् सचिवें कन्नै अज्ज केन्द्री गृह सचिव गोविंद मोहन हार अज्ज इक विशेष बैठक बी लाने जा करदे न। एह भ्यास महत्वपूर्ण ठकाने दी सुरक्षा सनें सुरक्षत बचाह दी बी भ्यास होग। एह मार्क ड्रिल 22 अप्रैल आले पहलगाम आतंकी हमले दे बाद भारत ते पाकिस्तान बश्कार बनी दी तनोतनी आली स्थिति गी ध्यानै च रखदे होई इक एहतियाती अभ्यास दे तौरा पर कराई जा'रदी ऐ।

<><><><><><>

LoC Firing

भारतीय सेना नै कल रातीं जम्मू कश्मीर कन्नै लगदी कबजा रेखा पर पाकिस्तानी फौज आस्सेआ कीती गेदी गोलीबारी दा बनकदा परता दित्ता। रक्षा सूत्रें मूजब पाकिस्तानी फौज नै जम्मू कश्मीर दे कुपवाड़ा, बारामुला, पुंछ, राजौरी, मेंढर, नौशेहरा, सुंदरबनी ते अखनूर इलाकें च कब्जा रेखा कोल बिजन कुसै उकसावे दे लौहके थेआरें कन्नै गोलीबारी कीती। भारती फौज नै एहदा तुरत ते बनकदा परता दित्ता। गोलीबारी च कुसै दे बी हताहत होने दी कोई खबर नेई ऐ।

<><><><><><>

LG-Amarnath

उपराज्यपाल मनोज सिन्हा होरें कल श्रीनगर दे पंथा चौक च श्री अमरनाथ जी श्राइन बोर्ड दे दफतर ते यात्री निवास दे जारी निर्माण कम्मं दा मौके पर जायजा लैता। उनें गी दस्सेआ गेआ जे इस इमारत दिएं चार मंजले दा निर्माण कम्म मुकम्मल होई चुके दा ऐ जिसलै कि बकाया दऊं मंजलें दा कम्म मेद ऐ जे जून महीने दे खीरै तगर मुकम्मल होई जाग। उपराज्यपाल होरें कुसै गी तोड़ चाढ़ने आले कम्मं दी रफतार च तेजी आहन्नने लेई आखेआ तां जे यात्रा शुरू होने कोला पैहले सारे कम्म मुकम्मल होई जाग ते यात्रुएं गी सबै सुविधा थोई सकन।

<><><><><><>१

Div.Com-Amarnath

जम्मू दे डिवीजनल कमीशनर रमेश कुमार होरें कल श्री अमरनाथ जी दी यात्रा 2025 दे सुचारु संचालन लेई लोकें आस्तै सुविधाएं च बाढ़ा करने ते नमें चला'रदे कम्मं च विकास योजना दी समीक्षा लेई इक बैठक दी अध्यक्षता कीती। डिवीजनल कमीशनर होरें जिला प्रशासन ते सरबंधत मैहकमें दे अध्यक्षें गी चला'रदे कम्मं गी तौले शा तौले मुकम्मल करोआने दे निर्देश दित्ते। जिलावार दे स्हाबै मंजूर कीते गेदे कम्मं च सलाना पवित्र तीर्थ यात्रा दे रस्ते च रुकने आले बक्ख-बक्ख थाहरें पर बिजली, पानी ते शौचालय दी सहूलतें जनेही बुनियादी जरूरतें दी मरम्मत ते उनेंगी बघाना शामिल ऐ। डिप्टी कमीशनरें गी आखेआ गेआ ऐ जे ओह इनें चला'रदे कम्मं दा मुआयना करन ते समें उपपर पूरा होने लेई कम्मं दी प्रगति उपपर तक्क रखन।

<><><><><><>

Fire Hydrants(byte)

जम्मू स्मार्ट सिटी परियोजना तैहत रैजीडेंसी रोड शिड़क दे कंडे-कंडे अगग स्थालने आले फायर हाईड्रेंट लाए गे न, तां जे एमरजेंसी स्थिति च अगग उपपर काबू कीता जाई सकै। इस पैहल दा मकसद मती भीड़े आले व्यवसायिक केन्द्र च अगग पर काबू पाने आली तैआरिएं च सुधार करना ऐ। जित्थें बक्ख-बक्ख गतिविधिएं दे कारण अगग लगने दी घटनाएं दा मता खतरा रौहदा ऐ। इस पैहलकदमी दा मकामी दुकानदारें ते उत्थे दे रौहने आले लोकें सुआगत कीता। आकाशवाणी जम्मू दे संवाददाता कन्नै गल्लबात करदे होई रैजीडेंसी रोड मार्केट एसोसिएशन दी अध्यक्ष प्रधान पूजा कपूर होरें आखेआ जे शेहरा च कुसे बी चाल्ली दी अगग लगने दी स्थिति च एह हाईड्रेंट मते मददगार साबत होंगन।

<><><><><><>

ते हुन बाकि दिएं खबरें कन्नै जगमोहन शर्मा।

<><><><><><>

Speaker Assembly

जम्मू कश्मीर विधानसभा दे स्पीकर अब्दुल रहीम राथर होरें कल श्रीनगर च विधानसभा परिसर दा दौरा लाया ते उत्थें बक्ख-बक्ख दफतरें दे कम्मं काजें दा मुआयना कीता। दौरे दरान उनें बक्ख-बक्ख सैक्शनं च तैनात मलाजमें कन्नै गल्लबात बी कीती। दफतरे दी कारकरदगी दा जायजा लेंदे मौके स्पीकर होरें मलाजमें गी निर्देश दित्ता जे ओह कम्मं च बकायदगी गी अपनाने ते पूरी चाल्ली पेशवराना रौह अपनांदे होई हर कम्म कन्नो कन्नी नबेड़दे रौहन तां जे किश बी बकाया जां पिच्छे नेई रेही जा। स्पीकर होरें विधानसभा परिसर च उपलब्ध बिजली, पीने आले पानी ते होर दुइं जरूरी सुविधाएं दा बी मुआयना कीता।

<><><><><><>

Electrol Rolls

जम्मू कश्मीर दे दऊं विधानसभा हल्के च मतदाता सूचिएं गी नमें सिरैया तैआर करने दा कम्म पूरी चाल्ली मुकम्मल होई चुके दा ऐ जिंदे च 77 नंबर नगरोटा असेंबली हल्का ते 27 नवम्बर बडगाम हल्का शामिल न। एह मतदाता सूचियां पैहली अप्रैल 2023 गी क्वालीफाइंग डेट मन्नदे होई तैआर कीतियां गेइयां न ते कल इनेंगी प्रकाशत बी करी दित्ता गेआ। क्वालीफाइंग डेट ओ तरीक होंदी ऐ जिसी आधार मन्नदे होई मतदाता दी उमर, रिहायश, मजदूदगी ते होर दूई जानकारी दर्ज कीती जंदी ऐ। इनें दऊं विधानसभा हल्कें च मतदान केन्द्रें दी गिनतरी गी युक्तिसंगत बनाने लेई इंदे च बाढ़ा कीता गेआ ऐ। नगरोटा च 5 ते बडगाम हल्के च 17 होर मतदान केन्द्र बघाए गे न जेहदे बाद उत्थें मतदान केन्द्रें दी कल गिनतरी बिलतरतीव 150 ते 173 होई गई ऐ।

<><><><><><>

Dea Shell Exhibition(byte)

जिला पुलस लाईंस रामबन च कल पुलस ते जिला प्रशासन आस्सेआ समुंद्री सीपिएं दी इक विशेष नमैश दा आयोजन कीता गेआ, जेहदा उद्घाटन जिला विकास कमीशनर बसीर—उल—हक चौधरी होरें कीता। इस मौके पर एसएसपी रामबन कुलबीर सिंह ते लीफमकी हाइकिंग क्लब दे मिंबर बी मजूद हे, जेहदे सैहयोग कन्नै इस आयोजन दी मेजबानी कीती गेदी ही। प्रदर्शनी च समुंद्रे च पाए जाने आले शंख, सीपियां, कौडियां ते होर दुइयां चीजां लोकें दे दिखने लेई रखियां गेदियां हियां, जिनेंगी लेइयै लोक टकोहदा करियै विद्यार्थिएं गैहरी दिलचस्पी दस्सी। नमैश च समुंद्री जीवन दी शानदार ते र्हान करने आली बनसबन्नता दिखने गी लब्धी। डीसी होरें इस मौके विद्यार्थिएं कन्नै गल्लबात कीती। मगरा मीडिया आलें कन्नै गल्ल करदे होई उनें आखेआ

<><><><><><>

Ramban-Sheep Husbandry(byte)

रामबन जिले च भिड्ड पालन मैहकमा केन्द्रिय प्रायोजित स्कीमें दा लाह ठोआने आस्तै बड्डी गिनतरी च करसानें गी प्रेरत करा'रदा ऐ। राष्ट्रीय पशु धन मिशन दे तैहत् 50 लक्ख रपे तगर दी 50 फीसद सब्सिडी दित्ती जा'रदी ऐ। जेहदे कन्नै घट्टोघट्ट 500 भिड्डां ते 25 भिड्डुएं कन्नै भिड्डें ते बकरी नसल दी वृद्धि आली इकाई दी स्थापना बी कीती जा'रदी ऐ। उआं करसानें 1 भिड्ड पिच्छे 5 जहार ते 9 जहार रपे आमदनी दी मेद रखी सकदे न। कोई बी करसान जेहड़ा केन्द्रीय प्रयोजत योजना दा लाह हासल करने च दिलचस्पी रखदा ऐ, ओह सरबंघत सरकारी मैहकमे जां अजेंसिएं चे राएं आवेदन करी सकदा ऐ। भिड्ड पालन मैहकमे दे जिला अधिकारी डॉ. शब्बीर अहमद खान होरें आखेआ

<><><><><><>

